

The coronavirus matter wey don dey cause wahala everywhere first enter Naija on 27 February and e start for Lagos state. The tin cause many many fake news wey make NCDC and Federal Ministry of Health dem begin try calm pipo down, try make the sickness no spread. All of us need join hand make sure say we knack this virus correct apako so make we dey talk only news wey we don confam say na true; and make we dey do the ones wey go make the virus fear to near our domot.

The Coronavirus CivActs Campaign (CCC) dey gather different rumour and tori wey Naija pipo dey talk for different states make we help ordinary pipo understand wetin dey happen; so that beta information go dey flow well well for government, media, NGO and even the citizens dem. Once we talk the real gbege of wetin dey happen, all dem fake news go stop to dey spread before they cause more wahala for our country pipo. You know say no be all of us get the same language and no be everybody sabi this English well well so we need this CCC make everybody understand wetin dey happen so that we go finally throwaway this bad sickness comot for our country. One company wey dem dey call Statista talk say na only like half of Naija wey dey see internet use, so make we try help the other half wey no get.

COVID-19 Palliative dey different from Conditional Cash Transfer

E dey important make people wey dey handle COVID-19 donations dey accountable make enough support dey for pipo. We go need make sure sey Naija pipo dey aware and get correct information about the donation matter wey we dey talk so. Everybody suppose know how their government take dey handle the donations wey they don get especially how they take spend am.

ANEEJ don report say money wey dem dey use for the Cash Transfer Programme wey dey happen now na from public funds wey Abacha bin thief carry go Switzerland.

Government of Swiss, Naija, and World Bank bin sign agreement for Washington DC in 2017; ogbonge organizations wey dey Civil Society like HEDA, SERAP, CISLAC, Centre-LSD, Policy Alert and CSJ bin dey there dey watch when dem sign this agreement. The method wey dem suppose use share this Conditional Cash Transfer money for Naija pipo wey dey poor follow for inside the agreement.

Dem bin get 80% of the money for the cash transfer programme from wetin Abacha steal and 20% from World Bank.

The method wey dem suppose use make poor Naija pipo get the money na the National Social Register (NSR) wey Federal Government and World Bank join hand take build. Na NCTO payment system they bin dey use pay poor Nigerians five

thousand Naira every month. Na the Vice President office wey bin dey in charge of all the Social Protection Programme till 2019, when they transfer am give Ministry of Humanitarian Affairs, Disaster Management and Social Development. Since December last year, dem stop to dey pay the money again.

When COVID-19 kasala burst, president talk say make dem pay pipo wey don dey enjoy this programme money for four months (January to April), which come be twenty thousand Naira total. Federal Government come tell Naija pipo sey make dem calm down, dem go collect separate money to support dem because of the COVID-19 kasala, even when dem still dey share the CCT palliatives. Naija pipo need know say the Transfer Programme and palliatives for COVID-19 no be the same thing.

YEYE TORI



VS



CORRECT TORI

Coronavirus go comot your body once you drink disinfectant and sanitizer

Disinfectant fit poison you; you no suppose drink or pour am for body. If una drink disinfectants or sanitizers, you fit fall sick and your liver or kidney fit fail.

COVID-19 no fit catch you if you drink Ogogoro and chow Alligator pepper before 10 knock in the morning.

E no get any evidence wey talk say if you drink all this concoction, you no go get COVID-19. You fit get beta wahala for your body and your immune system fit become weak if you try am. The best way to make sure say you no get this virus na to no near pipo for outside this period.

If Nigerian get coronavirus e go comot body by himself after one week

Everybody get as the virus dey do am for body, e get some pipo wey fit recover after one week, e get others wey fit die. If they don confirm say you get am, e better make you stay for isolation center dey do wetin doctor talk say make you do till you test negative before you go fit go house.

YEYE TORI



VS



CORRECT TORI

If you drink hot water e go flush the COVID-19 comot your body quick quick

E good make you dey drink water normally but hot water no dey comot coronavirus for body. If you drink water wey dey too hot e fit injure you so make you no do am.

Social distancing suppose follow for how they dey take share food

E dey good to share food for people wey no hold this period, but e also dey important make social distancing follow for the sharing make the COVID-19 no dey spread for where dem dey share food.


We don dey observe say when they dey distribute food for people wey no hold pipo they gather, and when pipo dey gather like that e mean say COVID-19 fit spread more much for there.



No Physical distancing here.



Physical distancing dey here.



E dey important make everybody wey dey involved find how they go take share the food make people no gather. E better make we dey plan with area council chairman or youth leaders make we dey share the food for pipo house instead of to dey spread coronavirus every time you wan share food.



INFORMATION OVERLOAD
DUE TO THE
INFLUX OF NEWS
ABOUT **#COVID-19**
COULD LEAD TO
ANXIETY AND DISTRESS.

AVOID THIS BY SEEKING
FACTUAL INFORMATION FROM
VERIFIED SOURCES SUCH AS
@NCDCGOV, **@FMOHNIGERIA** AND
@WHO ONLY ONCE OR TWICE DAILY.



TOGETHER
WE CAN STOP THE SPREAD OF
#COVID19

#COVID19
#TakeResponsibility
#ResponsibleLeadership

Powered by
accountabilitylab
NIGERIA

CORONAVIRUS MATA AS E DEY FOR NAIJA TODAY - 29/04/2020

1532
CONFIRMED CASES

44
DEATHS

255
RECOVERED

12004
TESTED